

ka inkyon zhuva i te poshtines man lendar. Kate ka inkyom zhuva me shereste – ka has len.

Predi te zhal pash ki phuri, dikhela ekh phagi porta – izpraizel la i chhayori. Dikhel ambrol. Bari ambroli dikhel i kay dikhela chi but bari o ambrola, uhtavela peske ekh amboloro. Hala, chalyola i kerela..., zhala pash i phuri.

Kanato achhilo vaprosi vache i chhay te pashlyol zhi ki phuri, i chhay phenla e phuryake:

– Ake mami, me beshava pash tute. Ka chukinav tuke ko shoro, ka hav e zhuva. Mangav te dikhav me dade po-sigo.

I phuri pashii tal kay lake angayate. Kate arakhela e zhiva, chukizela – hala, chukizela – hala.

I phenla kodoya phuri:

– Shunden akana so vakerdyom tuke. Te na bisterea. Alo li o zhalto pani, ma bisster – te vazdes man!

– Gotovo, mami! Ka vazdav tut!

Lel pes I kodoya, lel pes i chhay. Alo o pani: kalo, o matno, sinyo, parno – na v azdel la. Alo o zhalto – vazdel la. I phuri e chhaya chhivela.

– Kana ka chhiyav tut! – phenela – Ko pani samo ka grabizes!

I chhite la ando zhalto pani. O pani zhala, odaya grabizela, o pani zhala, odaya grabizela. Achhii tsalo zlatno. Vsichko sveti. Vsichko. Inkyola andar o pani i zhala pash pe dadeste, okoleste. Ki porta, inkyola upral o kasht. I kay inkyola upral ko kasht i lela te zevel. Zevela, ama zhalno zevela, ta cak te pore chhinela ot maka. I laki mashteho day shunel. O dat suno sovela, na haela pes. Izmorime. Laki mashteho day inkyola. Kay inkisti, dikhela ko kasht – o kasht tsalo svetizela i phenla pe phureske:

– Brey, phureya! Ushti po-sigo, zhi o kasht thabyola!

Kana ushtino o dat lakoro te zhal te dikhel, i chhay uisti kodolestar. Svetizela tsalo zlatostar. I dikhel pe dade i rovela. Phenela:

– Babo, tu – phenla – bichhen man ko vesh. Kote sinyom but bahtali. But – phenla – kodoya, ama tu nashtyan mandar. E mashtehone dikhya, a man nakameya.

I lela o dat, dela la angai, ingelela la peske andre. Phenela pe phuryake:

– Shun mande! Tu kibor bresh ovela..., kibor vakatsi nakamlen me chhaya! Nashi chhivava la veche.

I avela andre i phuri phuchela e chhayake:

– Sar akana tu achhien keal lachhi, sar achhien kibor zlatno?

– Ami, ake sar. Tu thove me dade te marel man, tu thove me dade te